

90* dil sanzaco di Bosina ha inteso, come lui ha hauto da alcuni venuti dal ditto suo fratello, che lo exercito fa il Signor turco è per tuor l' Hongaria, et andará in persona a mezo Mazo, et vol andar a Buda, et parte dil suo exercito manderà a Jaiza. *Item*, ha nova esser zonti do comandamenti del Gran Signor a tutti questi qui vicini, stagino ad ordine, aziò zonto il terzo comandamento tutti cavalcino dove li sarà ordinato. *Item*, che a questi zorni, 250 tra cavalli e pedoni del Turco sono andati su quel dil conte Bernardin Frangipani, et menato via anime e fato danno, e nel ritorno preseno uno castello del conte Zuane e fo morti 60 turchi avanti lo aquistassi; il qual è di poco momento. E questo instesso li afirmò uno stratioto nostro di Laurana nominato in le lettere, qual è stato da uno suo parente turco del sanzaco del Ducato, dal qual ha inteso che si dia fortificar Scardona et far le mure grosse che li vadi un caro di sopra atorno, e dia venir 1000 ianizari a starvi, et sarà condute assà artellarie de li, et voleno serar non possi andar navilli apresso, et non potendo voleno far far do castelli, uno per banda, et con cadene serar. Le qual cose ancora che lui non le crede, pur ha voluto avisar. *Item*, ha inteso che sotto Proviza et altri lochi contigui a questo territorio dieno venir da 1000 caxade ad habitar.

Poi lecto *lettere di Veia, Anglia, Roma, Austria e Lombardia.*

Fu posto, per i Savii del Conseio e terra ferma, atento le presente occorentie, siano electi per scurtinio di questo Conseio tre Savi del Conseio di Zonta al Collegio per mexi tre, zoè per tutto Zugno, potendo esser electi cadaun iusta la parte presa a di April 1525. Et la presente parte sia posta nel nostro Mazor Conseio. Ave: 29 di no, 156 di si et 1 non sincera.

Fu posto, per i Consieri, Cai di XL et Savii del Conseio e terra ferma, pagar il dazio di anfore 24, bigonzi 2, quarte 3 di vin fatto venir in questa tera per il reverendo episcopo di Baius orator di Franza, zoè sia posto a conto di la Signoria nostra, et per il simile il dazio di anfore 5 al reverendo orator anglico. Ave: 191, 7, 0.

Fu posto, per sier Antonio Barbaro, sier Bortolomio da Canal, sier Francesco Morexini, sier Giacomo Barbo et sier Zuan Francesco Lippomano savii ai ordeni, sier Domenego Capello et sier Lunardo Emo proveditori sora l' armar: *cum sit* che la camera di Verona li sia debitrice per conto di lo armar, però sia scritto a quelli rectori debano mandar li denari di tre daciai, porte, vin, et carne deputati

a lo armar per la parte 1519 a di 28 Ottobre, sotto pena di pagar dil suo, et cussi a li Camerlenghi, et nel ritorno suo non possino esser provadi senza boletin sottoscritto di Proveditori e Pagadori 181. 6. 6.

Fu posto, per li Savii ai ordeni, che dovendosi varar una gran nave di sier Francesco Morexini qu. sier Antonio e compagni, li sia prestato di l'Arsenal nostro vasi e palanche necessarie, con questi debbi dar in contadi a l'Arsenal tanti danari che siano cauti di mendi (*guasti?*) etc. Ave: 166, 1, 1.

199. *Scurtinio di un Savio di terra ferma, in luogo di sier Lorenzo Bragadin non è intrado.* 91

Sier Alvixe di Prioli fo proveditor al sal, qu. sier Francesco.	68.139
Sier Santo Moro el dottor, fo podestà a Chioza, qu. sier Marin	72.133
Sier Michiel Malipiero fo patron a l'Arsenal, qu. sier Giacomo	73.138
Sier Troian Bolani, qu. sier Hironimo.	80.133
+ Sier Beneto Dolfin fo savio a terra ferma, qu. sier Daniel	127. 85
Sier Domenego Pizamano fo conte et capitano a Traù, qu. sier Marco	64.150
Sier Silvestro Memo fo a le Raxon vecchie, qu. sier Michiel	53.160
Sier Piero Diedo è di Pregadi, qu. sier Francesco, qu. sier Antonio procurator	67.148
Sier Marco Antonio Calbo fo a le Raxon vecchie, qu. sier Hironimo	103.112
Sier Santo Trun fo savio a terra ferma, qu. sier Francesco	83.128
Sier Lorenzo di Prioli el cavalier, fo ambassator a la Cesarea et Cattolica Maestà	81.124
Sier Filippo Trun fo sinico in Levante, qu. sier Priamo	94.115
Sier Anzolo Gabriel <i>el grando</i> , qu. sier Silvestro	77.138
Sier Nicolò Salamon fo avogador di comun, qu. sier Michiel	98.116
Sier Hironimo Polani el dottor, fo di Pregadi, qu. sier Giacomo	90.126
Sier Marco Antonio Grfmani fo ai X uffici, qu. sier Francesco	79.132
Sier Andrea da Molin <i>dal banco</i> , fo capitano a Baruto, qu. sier Marin	107.104